

# Auschwitz



«Mai o dismentearai chê gnot, la prime gnot tal cjamp, che e à fat de mê vite une lungje gnot e par siet voltis sierade.

Mai o dismentearai chel fum. Mai o dismentearai lis piçulis musis dai fruts, o vevi viodût i lôr cuarps mudâsi in bufulis di fum sot un cîl mut. Mai o dismentearai chês flamis che àn brusât par simpri la mê Fede. Mai o dismentearai chel cidinôr di vie pe gnot che mi à gjavât par in eterni la gjonde dal vivi. Mai o dismentearai chei moments che àn sassinât il gno Diu e la mê anime, i mei siums, che àn cjavât la muse dal disiert.

Mai o dismentearai dut chest, ancje se o fos condanât a vivi tant che Diu stes. Mai.»

( (Gjavât da La notte, di Elie Wiesel. Wiesel al è stât sierât a Auschwitz cuant che al veve 16 agns))



(**talian**)

«Son morto ch'ero bambino, son morto con altri cento, passato per un camino, e ora sono nel vento»

( (Francesco Guccini, "Auschwitz" o "La canzone del bambino nel vento"))



(**furlan**)

«Soi muart che o jeri frut, soi muart cun altris cent, passât pal cjamin e cumò o soi intal vint»

Cul tiermin **cjamp di concentrament di Auschwitz** (*Konzentrationslager Auschwitz*) par solit si intint dut un insiemit di cjamps di concentrament e di stermini fats su vie pe seconde vuere mondiâl cuant che i todescs naziscj ocupant la Polonie dongje a la citât di Oświęcim (in todesc *Auschwitz*) che si cjate a 60 kilometris a ovest di Cracovie. Il complès di maçalizi di Auschwitz al à vût un grant pês te soluzion finâl de cuestion ebraiche, zîr di peraulis doprât dai todescs naziscj par clamâ il stermini dal popul ebraic e di chei altris alî sierâts dentri che àn vt un simil destin, zingars, politics, omosessuâi e v.i., vignint a jessi in curt a scomençâ dal 1940 il plui grant e eficient centri naziscj di stermini. Si calcole che fintremai ai 27 di Zenâr dal 1945, cuant che l'esercit rus al è jentrât vierzint lis puartis ai 7.000 sorevivûts, a sedin muarts 1.500.000 feminis, fruts e oms. Vuê ce che al reste, al è patrimoni de umanitât.



Ingrès principâl di Auschwitz II

Cjavât fûr di <https://fur.wikipedia.org/w/index.php?title=Auschwitz&oldid=159752>

**Cambiât par l'ultime volte ai 12:16, 11 di Mai 2015**

Il test al è disponibil daûr la licence Creative Commons Atribuzion-Condivît te stesse maniere; al è pussibil meti cundizions ulteriôrs. Cjale lis cundizions di ûs par i details.